



Համարը N 947-Ն
Տիպը Որոշում
Սկզբնաղբյուրը ՀՀՊՏ 2005.07.27/48(420)
Հոդ.921

Տեսակը Ինկորպորացիա
Կարգավիճակը Գործում է
Ընդունման վայրը Երևան

Ընդունող մարմինը ՀՀ կառավարություն
Ստորագրող մարմինը ՀՀ վարչապետ
Վավերացնող մարմինը ՀՀ Նախագահ
Ուժի մեջ մտնելու ամսաթիվը 28.07.2005

Ընդունման ամսաթիվը 09.06.2005
Ստորագրման ամսաթիվը 02.07.2005
Վավերացման ամսաթիվը 16.07.2005
Ուժը կորցնելու ամսաթիվը

☒ Փոփոխողներ և ինկորպորացիաներ

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ԱՆՀԱՏՈՒՅՑ ՊԵՏԱԿԱՆ ՖԻՆԱՆՍԱԿԱՆ ԱԶԱԿՑՈՒԹՅՈՒՆ ՏՐԱՄԱԴՐԵԼՈՒ ՄԱՍԻՆ

«Վավերացնում են»
Հայաստանի Հանրապետության
Նախագահ Ռ. Քոչարյան
16 հուլիսի 2005 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

9 հունիսի 2005 թվականի N 947-Ն

ԱՆՀԱՏՈՒՅՑ ՊԵՏԱԿԱՆ ՖԻՆԱՆՍԱԿԱՆ ԱԶԱԿՑՈՒԹՅՈՒՆ ՏՐԱՄԱԴՐԵԼՈՒ ՄԱՍԻՆ

Զոհված (մահացած) կամ հաշմանդամ դարձած զինծառայողների (ազատամարտիկների) ընտանիքների բնակարանային խնդիրները լուծելու նպատակով Հայաստանի Հանրապետության կառավարությունը **որոշում է.**

1. Հաստատել զոհված (մահացած) կամ հաշմանդամ դարձած զինծառայողների (ազատամարտիկների) օրենքով սահմանված կարիքավոր ընտանիքներին բնակարանային հաշվառման վերցնելու և բնակարանային պայմանները բարելավելու նպատակով անհատույց պետական ֆինանսական աջակցություն տրամադրելու կարգը՝ համաձայն հավելվածի:

(1-ին կետը լրաց. 20.09.12 N 1190-Ն)

1.1. Սույն որոշման դրույթները տարածվում են մինչև Հայաստանի Հանրապետության կառավարության 2017 թվականի օգոստոսի 10-ի «Հայաստանի Հանրապետության պաշտպանության նախարարության համակարգի՝ հաշմանդամության զինվորական կենսաթոշակի իրավունք ունեցող նախկին զինծառայողների և զոհված (մահացած) զինծառայողների ընտանիքների բնակարանային ապահովության կարգը հաստատելու և Հայաստանի Հանրապետության կառավարության 2005 թվականի հունիսի 9-ի N 947-Ն որոշման մեջ լրացում կատարելու մասին» N 1016-Ն որոշումն ուժի մեջ մտնելու օրը ծագած հարաբերությունների վրա:

(1.1-ին կետը լրաց. 10.08.17 N 1016-Ն)

2. Հայաստանի Հանրապետության ֆինանսների նախարարին՝ Հայաստանի Հանրապետության յուրաքանչյուր տարվա պետական բյուջեի նախագիծը կազմելիս Հայաստանի Հանրապետության պաշտպանության նախարարության հայտի հիման վրա քննարկել զոհված (մահացած) կամ հաշմանդամ դարձած զինծառայողների ընտանիքներին բնակարանային պայմանների բարելավման նպատակով ֆինանսական միջոցների նախատեսման հնարավորության հարցը:

(2-րդ կետը փոփ. 20.09.12 N 1190-Ն)

3. Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի

նախագահին՝ տարվա յուրաքանչյուր եռամսյակի ավարտից հետո 30-օրյա ժամկետում՝ Հայաստանի Հանրապետության պաշտպանության նախարարություն ներկայացնել տվյալներ Հայաստանի Հանրապետության տարածաշրջաններում բազմաբնակարան բնակելի շենքերի բնակարանների ձևավորված շուկայական միջինացված արժեքի մասին:

(3-րդ կետը փոփ. 26.12.13 N 1492-Ն)

4. Հանձնարարել Հայաստանի Հանրապետության մարզպետներին և առաջարկել համայնքների ղեկավարներին ստեղծել բնակարանային հարցերի հանձնաժողով (Երևան քաղաքում՝ հանձնաժողովներ՝ ըստ վարչական շրջանների)՝ ուսումնասիրելու և ստուգելու գոհված (մահացած) կամ հաշմանդամ դարձած զինծառայողների (ազատամարտիկների) ընտանիքների բնակարանային պայմանները:

(4-րդ կետը փոփ. 27.05.10 N 634-Ն, լրաց. 05.05.11 N 625-Ն)

5. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

**Հայաստանի Հանրապետության
վարչապետ**

Ս. Մարգարյան

2005 թ. հուլիսի 2
Երևան

Հավելված
ՀՀ կառավարության 2005 թվականի
հունիսի 9-ի N 947-Ն որոշման

Կ Ա Ր Գ

**ԶՈՂՎԱԾ (ՄԱՀԱՑԱԾ) ԿԱՍ ՀԱՇՄԱՆԴԱՍ ԴԱՐՁԱԾ ԶԻՆԾԱՌԱՅՈՂՆԵՐԻ
(ԱԶԱՏԱՄԱՐՏԻԿՆԵՐԻ) ՕՐԵՆՔՈՎ ՄԱՀՄԱՆՎԱԾ ԿԱՐԻՔԱՎՈՐ ԸՆՏԱՆԻՔՆԵՐԻՆ ԲՆԱԿԱՐԱՆԱՅԻՆ
ՀԱՇՎԱԾՄԱՆ ՎԵՐՑՆԵԼՈՒ ԵՎ ԲՆԱԿԱՐԱՆԱՅԻՆ ՊԱՅՄԱՆՆԵՐԸ ԲԱՐԵԼԱՎԵԼՈՒ ՆՊԱՏԱԿՈՎ
ԱՆՀԱՏՈՒՅՑ ՊԵՏԱԿԱՆ ՖԻՆԱՆՍԱԿԱՆ ԱԶԱԿՑՈՒԹՅՈՒՆ ՏՐԱՄԱԴՐԵԼՈՒ
(վերնագիրը լրաց. 20.09.12 N 1190-Ն)**

1. Սույն կարգով սահմանվում են գոհված (մահացած) կամ հաշմանդամ դարձած զինծառայողների (ազատամարտիկների) բնակարանային պայմանների բարելավման կարիք ունեցող օրենքով սահմանված ընտանիքների (այսուհետ՝ կարիքավոր ընտանիքներ) բնակարանային հաշվառման վերցնելու և բնակարանային խնդիրների լուծման (բնակարանի ձեռքբերման) նպատակով Հայաստանի Հանրապետության պաշտպանության նախարարությանը հասկացված գումարների շրջանակներում անհատույց պետական ֆինանսական աջակցություն (այսուհետ՝ աջակցություն) տրամադրելու պայմանները: Սույն կարգով նախատեսված՝ գոհված (մահացած) կամ հաշմանդամ դարձած զինծառայողների՝ օրենքով սահմանված ընտանիքների անդամների բնակարանային ապահովության նպատակով անհատույց պետական ֆինանսական աջակցություն տրամադրելու պայմանները տարածվում են նաև Հայաստանի Հանրապետության պաշտպանության նախարարության համակարգի գոհված (մահացած) կամ հաշմանդամ դարձած քաղաքացիական ծառայողների՝ օրենքով սահմանված ընտանիքների անդամների վրա:

(1-ին կետը լրաց. 20.09.12 N 1190-Ն)

2. Աջակցություն ստանալու իրավունք ունեն ծառայողական պարտականությունների կատարման ժամանակ գոհված (մահացած) կամ զինվորական ծառայության ժամանակ վնասվածքներից, խեղումներից և առաջացած հիվանդություններից հաշմանդամ դարձած զինծառայողների (ազատամարտիկների) կարիքավոր ընտանիքները, որոնց, Հայաստանի Հանրապետության պաշտպանության նախարարության սոցիալական ապահովության խնդիրներ իրականացնող ստորաբաժանման կողմից տրվել է գոհվածի (մահացածի) ընտանիքի անդամի կամ հաշմանդամի կարգավիճակը հավաստող տեղեկանք:

3. Սույն կարգի իմաստով կարիքավոր՝ անօթևան են համարվում սեփականության իրավունքով բնակելի տարածություն չունեցող (ժամանակավորապես դպրոցներում, մանկապարտեզներում, ժամանակավոր կացարաններում, 4-րդ աստիճանի վթարային, խարխուլ տներում, նկուղային շենքերում և բնակության համար ոչ պիտանի շինություններում, ազգականների մոտ, ապօրինի զբաղեցրած բնակարաններում, հանրակացարաններում, հյուրանոցներում, վարձակալությամբ բնակվող) կամ բնակարանային պայմանների բարելավման կարիք ունեցող ընտանիքները, որոնց բնակարանում հաշվառված օրենքով սահմանված ընտանիքի յուրաքանչյուր անդամի՝ բնակելի մակերեսով ապահովվածությունը կազմում է 5 ու 5-ից պակաս քառակուսի մետր կամ բնակելի սենյակների և ընտանիքի

անդամների սեռից, համատեղ բնակվող անձանց թվից ելնելով անհրաժեշտ է լրացուցիչ բնակմակերես, ինչպես նաև այն ընտանիքները, որոնց անդամներից մեկը տառապում է հետևյալ հիվանդություններից մեկով՝ բոլոր օրգանների և համակարգերի տուբերկուլոզի ակտիվ ձևերը՝ տուբերկուլոզային ցուպիկների արտադրությամբ, մտազարություն, մոլագար դեպրեսիվ պսիխոզ, ընկնավորություն, պրեսենիլային և սենիլային պսիխոզներ, կենտրոնական ներվային համակարգի օրգանական ախտահարումները՝ վերջույթների ֆունկցիայի և կոնքի օրգանների ֆունկցիայի կայուն ծանր խախտումներով (կրած գանգոլեդային ծանր վնասվածքների հետևանքները, տարածուն սկլերոզ, կողային ամիոտրոֆիկ սկլերոզ, սիդինգոմելիա, ուղեղային կաթված), բրոնխային ասթմայի ծանր ձևը՝ հաճախակի նոսրաներով, 2-րդ և 3-րդ աստիճանների բարդացած շնչառական անբավարարությամբ, եթե հիվանդին առանձին սենյակ կամ լրացուցիչ բնակմակերես հասկացվելու դեպքում ընտանիքի յուրաքանչյուր անդամին կմնա 5 և 5-ից պակաս քառակուսի մետր բնակելի մակերես:

(3-րդ կետը լրաց. 16.06.06 N 892-Ն, փոփ., լրաց. 20.09.12 N 1190-Ն)

4. Հայաստանի Հանրապետության պաշտպանության նախարարության սոցիալական ապահովության խնդիրներ իրականացնող ստորաբաժանման կողմից տրված գոհվածի (մահացածի) ընտանիքի անդամի կամ հաշմանդամի կարգավիճակը հավաստող տեղեկանքում նշված անձը (անձինք) բնակարանային խնդիրների լուծման (բնակարանի ձեռքբերման) նպատակով աջակցություն ստանալու ցուցակներում ընդգրկվելու համար դիմում են ներկայացնում իրենց բնակության վայրի համայնքի (Երևան քաղաքում՝ համապատասխան վարչական շրջանի) ղեկավարին՝ դիմումին կցելով հետևյալ փաստաթղթերը՝

Հայաստանի Հանրապետության պաշտպանության նախարարության սոցիալական ապահովության խնդիրներ իրականացնող ստորաբաժանման կողմից տրվածգոհվածի (մահացածի) ընտանիքի անդամի կամ հաշմանդամի կարգավիճակը հավաստող տեղեկանք,

տեղեկանքներ բնակարանային պայմանների, ընտանիքի կազմի վերաբերյալ, որտեղ պետք է նշված լինեն բնակարանի սեփականատիրոջ, բնակարանի բնակելի մակերեսի, սենյակների քանակի, այդ հասցեում հաշվառված անձանց և նրանց ազգակցական կապի մասին տվյալներ (եթե ընտանիքի չափահաս անդամները հաշվառված են տարբեր հասցեներում, ապա նմանօրինակ տեղեկանք պետք է ներկայացվի բոլորի հաշվառման վայրերից) Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեի տարածքային ստորաբաժանման և տեղեկատվական կենտրոնի կողմից՝ սեփականության մասին,

ընտանիքի չափահաս անձանց անձնագրերի պատճենները՝ հաշվառման էջերով, ամուսնության (ամուսնալուծության) և անչափահաս երեխաների ծննդյան վկայականների պատճենները,

բնակարանի կամ բնակելի տան սեփականության վկայականի պատճենը, անհրաժեշտության դեպքում՝ կարիքավորությունը հիմնավորող այլ փաստաթղթեր:

(4-րդ կետը լրաց. 16.06.06 N 892-Ն, 05.05.11 N 625-Ն)

5. Կարիքավոր ընտանիքների ներկայացրած դիմումները հաշվառվում են համայնքի (Երևան քաղաքում՝ համապատասխան վարչական շրջանի) ղեկավարի աշխատակազմում: Համայնքի ղեկավարը բնակարանային պայմանների բարելավման հաշվառման է ընդունում այն ընտանիքներին, որոնք մշտապես բնակվում են տվյալ բնակավայրում, ընդ որում, Երևան քաղաքում՝ առնվազն վերջին 10 տարին, իսկ Երևան քաղաքի վարչական սահմաններից դուրս գտնվող բնակավայրերում՝ առնվազն վերջին 5 տարին: Բնակության ժամանակը որոշվում է տվյալ բնակավայրում հաշվառման առկայությամբ:

Այն քաղաքացիները, որոնք բնակարանային պայմաններն արհեստականորեն վատթարացրել են փոխանակելու, օտարելու միջոցով, կարող են բնակարանային պայմանների բարելավման հաշվառման ընդունվել իրենց բնակարանային պայմանները վատթարացնելու օրվանից 5 տարի անցնելուց հետո: Նշված կանոնը չի կիրառվում դատարանի օրինական ուժի մեջ մտած վճռի հիման վրա բնակտարածության օգտագործման իրավունքը կորցրած ճանաչվելու և բնակարանը (բնակելի տունը) հրապարակային սակարկություններով վաճառելու միջոցով վատթարացման դեպքերում: Դիմումում նշված տեղեկությունները և կարիքավոր ընտանիքների բնակարանային պայմանները ստուգում է համայնքի ղեկավարի կողմից ստեղծված բնակարանային հարցերի հանձնաժողովը, որի եզրակացության հիման վրա կազմվում են բնակարանային պայմանների բարելավման կարիք ունեցող ընտանիքների ցուցակներ (այսուհետ՝ կարիքավոր ընտանիքների ցուցակներ): Կարիքավոր ընտանիքների ցուցակները հաստատում է տեղական ինքնակառավարման մարմնի ղեկավարը՝ համապատասխան որոշմամբ:

(պարբերությունն ուժը կորցրել է 20.09.12 N 1190-Ն)

(5-րդ կետը լրաց. 16.06.06 N 892-Ն, 06.09.07 N 1067-Ն, 27.05.10 N 634-Ն, 05.05.11 N 625-Ն, փոփ. 20.09.12 N 1190-Ն)

6. Կարիքավոր ընտանիքների ցուցակները և անհրաժեշտ փաստաթղթերը տեղական ինքնակառավարման մարմինները՝ բացառությամբ Երևանի համայնքի, ներկայացնում են համապատասխան մարզպետարաններ, որտեղ վերջիններս ամփոփելով, վերջնական կազմված կարիքավոր ընտանիքների ցուցակները (Երևան քաղաքում՝ Երևանի քաղաքապետը) ուղարկում են Հայաստանի Հանրապետության պաշտպանության նախարարություն՝ կարիքավոր ընտանիքներին աջակցություն տրամադրող հանձնաժողովի քննարկմանը:

Հանձնաժողովի կազմը և գործունեության կարգը սահմանում է Հայաստանի Հանրապետության պաշտպանության նախարարը:

(6-րդ կետը լրաց., փոփ. 27.05.10 N 634-Ն)

7. Կարիքավոր ընտանիքներին բնակարանի ձեռքբերման համար աջակցություն տրամադրելու չափը որոշվում է նրանց ընտանիքի անդամների և հասանելիք սենյակների թվից՝

1-սենյականոց բնակարան՝ մինչև 3 սեռի կամ տարբեր սեռի երկու մարդուց բաղկացած ընտանիքին, եթե երեխան ինը տարեկանից փոքր է, ինչպես նաև ամուսիններին,

2-սենյականոց բնակարան՝ ինը տարեկանից մեծ տարբեր սեռի երկու մարդուց (բացի ամուսիններից) և երեք մարդուց բաղկացած ընտանիքին,

3-սենյականոց բնակարան՝ 4-5 մարդուց բաղկացած ընտանիքին,

4-սենյականոց բնակարան՝ 6-7 մարդուց բաղկացած ընտանիքին:

Բնակելի տարածության չափը որոշելիս հաշվի է առնվում նաև հաշվառման վերցված և աջակցություն տրամադրելու մասին որոշումն ընդունելու պահին կանանց 20-շաբաթյա հղիությունը, որը հաստատվում է համապատասխան բժշկական տեղեկանքով:

8. Աջակցության չափը հաշվարկվում է՝ ելնելով աջակցություն տրամադրելու պահին նախորդող եռամսյակի դրությամբ տվյալ տարածաշրջանում բնակարանի ձևավորված շուկայական միջին արժեքից՝ հետևյալ հաշվարկով՝

Երևան քաղաքի վարչական սահմաններում գտնվող բազմաբնակարան բնակելի շենքերի բնակարանների շուկայական միջին արժեքների թվաբանական միջինով,

Հայաստանի Հանրապետության այլ քաղաքներում՝ համապատասխան քաղաքի վարչական սահմաններում գտնվող բազմաբնակարան բնակելի շենքերի բնակարանների շուկայական միջին արժեքով,

Հայաստանի Հանրապետության գյուղական վայրերում՝ համապատասխան մարզի քաղաքների կամ գյուղական համայնքների վարչական սահմաններում գտնվող բազմաբնակարան բնակելի շենքերի բնակարանների շուկայական միջին արժեքների թվաբանական միջինով:

Հայաստանի Հանրապետության տարածքում բազմաբնակարան բնակելի շենքերի բնակարանների ձևավորված շուկայական միջինացված արժեքի մասին տվյալները տրամադրում է Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեն:

(8-րդ կետը փոփ. 27.05.10 N 634-Ն)

9. Տրամադրվող աջակցությունը վճարվում է աջակցություն տրամադրող հանձնաժողովի որոշման հիման վրա՝ ընտանիքի չափահաս անդամներին կամ նրանց կողմից լիազորված ներկայացուցչին՝ աջակցությունն ստանալու համար նոտարական կարգով վավերացված լիազորագիրը հանձնաժողովին ներկայացվելուց հետո: Աջակցությունը վճարվում է անկանխիկ՝ օրենքով սահմանված կարիքավոր ընտանիքի՝ չափահաս անդամների համաձայնությամբ՝ ընտանիքի անդամներից որևէ մեկի անվամբ բացված հաշվարկային հաշվին փոխանցում կատարելու միջոցով:

(9-րդ կետը լրաց. 16.06.06 N 892-Ն, խմբ. 20.09.12 N 1190-Ն)

9.1. Աջակցություն ստացած կարիքավոր ընտանիքը չի կարող կրկին բնակարանային հաշվառման վերցվել՝ անկախ հետագայում բնակարանային պայմանները վատթարանալու կամ տրամադրված աջակցության գումարով բնակելի տարածություն ձեռք չբերելու հանգամանքից:

(9.1-ին կետը լրաց. 20.09.12 N 1190-Ն)

10. Աջակցություն ստացած ընտանիքների ցուցակները հանձնաժողովի կողմից ուղարկվում են համապատասխան տեղական ինքնակառավարման մարմիններ (Երևան քաղաքում՝ համապատասխան վարչական շրջանների ղեկավարներին)՝ նրանց բնակարանային հաշվառումից հանելու համար:

(10-րդ կետը լրաց. 05.05.11 N 625-Ն)

11. Հայաստանի Հանրապետության պաշտպանության նախարարությունն աջակցություն ստացած ընտանիքների մասին հաշվետվություն է ներկայացնում Հայաստանի Հանրապետության ֆինանսների նախարարություն:

(11-րդ կետը փոփ. 20.09.12 N 1190-Ն)

(հավելվածը լրաց. 16.06.06 N 892-Ն, 06.09.07 N 1067-Ն, լրաց., փոփ. 27.05.10 N 634-Ն, լրաց. 05.05.11 N 625-Ն, լրաց., փոփ., խմբ. 20.09.12 N 1190-Ն)

**Հայաստանի Հանրապետության
կառավարության աշխատակազմի
ղեկավար-նախարար**

Մ. Թովուկյան